

Broj:01- 02/2-1876/24 SK/EP
Sarajevo, 24.07.2024. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
DOM NARODA**
n/r gđin Izmir Hadžiavdić, sekretar
n/r gđin Amir Orlović, delegat

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno:		20-07-2024	
Org. jed.	Broj	Priloga	Vrijednost
05/2	-02-	424	24

**BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE**
n/r gđa Edita Kalajdžić, sekretar

Predmet: Odgovor na delegatsko pitanje, **dostavlja se-**

Veza: Akt sekretara Predstavničkog doma Parlamenta Federacije Bosne i Hercegovine, broj: 05/2-02-424/24 od 19.07.2024. godine i akt sekretara Vlade Federacije Bosne i Hercegovine, broj: 03-04-174-2/2024 od 22.07.2024. godine

Poštovani,

Aktima broj i datum veze, Federalnom ministarstvu rada i socijalne politike dostavljeno je delegatsko pitanje koje je postavio Amir Orlović, delegat u Domu naroda Parlamenta Federacije Bosne i Hercegovine, a koje se odnosi na izradu i donošenje Zakona o zaštiti žrtva torture Federacije BiH. U vezi sa navedenim, sa aspekta nadležnosti Federalnog ministarstva rada i socijalne politike, dajemo sljedeće izjašnjenje:

Inicijativa za izradu i donošenje Zakona o zaštiti žrtva torture Federacije BiH, na koju se poziva delegat Orlović, dostavljena je Vladi Federacije BiH, Federalnom ministarstvu pravde, Federalnom ministarstvu rada i socijalne politike i Federalnom ministarstvu za pitanje boraca i invalida odbrambeno-oslobodilačkog rata na realizaciju. Podsjećanja radi, u nadležnosti Federalnog ministarstva rada i socijalne politike je zaštita civilnih žrtava rata koje su uslijed ratnih okolnosti doživjele gubitak dijelova tijela, zdravlja ili člana/članova prodice, a ne zaštita osoba čija su ljudska prava tokom rata u Bosni i Hercegovini bila uskraćena. Iz tog razloga, sve inicijative koje su se odnosile na uređivanje pitanja prava i položaja žrtava ratne torture nismo prihvatili jer je to isključiva nadležnost Federalnog ministarstva pravde koje donosi propise koji proizilaze iz ove oblasti.

Međutim, Vlada Federacije BiH je na 14. sjednici održanoj dana, 21.09.2023. godine usvojila Informaciju Federalnog ministarstva pravde broj: 01-02-1428/22 od 26.07.2023. godine sa Zaključkom da Federalno ministarstvo pravde, Federalno ministarstvo za pitanja boraca i invalida odbrambeno-oslobodilačkog rata i Federalno ministarstvo rada i socijalne politike dostavi svoj prijedlog za članove radne grupe Generalnom sekretarijatu Vlade Federacije BiH, koji će za Vladu Federacije BiH pripremiti prijedlog Rješenja o formiranju Interresorne radne grupe za izradu Prednacrtu zakona o logorašima.

Tim slijedom, Vlada Federacije BiH je na 21. sjednici održanoj dana, 30.11.2023. godine donijela Rješenje o formiranju Interresorne radne grupe za izradu Prednacrtu zakona o logorašima (V. broj 1767/2023.), gdje je za predsjednika Radne grupe imenovan predstavnik Federalnog ministarstva pravde.

Na poziv predsjednika, Radna grupa je održala dva radna sastanka, a sljedeći je najavljen nakon što predsjednik Radne grupe obavi konsultacije sa svojim pretpostavljenim o idejnim mišljenjima u kom pravcu treba definisati prijedlog propisa o logorašima. Taj sastanak nije zakazan do davanja ovog odgovora.

U smislu stava iznesenog na početku ovog izjašnjenja, Federalno ministarstvo rada i socijalne politike nije nadležno za uređivanje predmetne problematike jer se ne radi o građanima u stanju socijalne potrebe nego o građanima čija su ljudska prava bila uskraćena protupravnim zatvaranjem u logore i zatvore tokom rata u BiH, što je svugdje u svijetu u nadležnosti resora pravde i ljudskih prava.

S poštovanjem,



Dostavljeno:

- naslovu
- a/a